

明道叢刊

君博題



中華民國十年元月初版

明達雜誌全一冊

定價 一角

著述者 正 齋 主

編校者 永 福 村 農

發行者 國 華 書 局

印刷者 國 華 書 局

分售者 各省大書局

總發行所

上海四馬路國華書局

不 得 翻 印
版 權 所 有
許 印

明道叢刊卷首

許序

文士之好名。等於市僧之好貨。狡童之好色。雖明知其無益於事。有害於生。而猶嘔心血。蕩胸氣。辛苦鑽研。曠日費財。而不悔及其積之久。斐然有成。然而傳不傳。尚有命焉。彼文士者。固不以其命之窮而不作也。且益工焉。大之闕于天人政治史書地志典章制度之鉅小之則一筆一冊稗說雜著。下至游戲滑稽。嘲罵噴飯之細。無不作焉。當其縱心孤往。振筆疾書。知我罪我。無徒有徒。皆所不及計也。而有同好者。則相引爲曹。詔以神交。雖離接魚魚以貫其人。雖死而精神若可挹矣。稍涉其藩。則曰此中蓋有深趣。吾不解是何魔力。而使數千百。爲之。心致命至於如此之極也。予半生落拓到處受人白眼。旁觀者皆曰汝文士故。予懼以有涯之生。而徇無涯之名。逝將去女。大有焚棄筆硯之概。乃有顧子明道。獨以文字神交。殷殷於予。累以屬稿事商榷。已未秋。復出其稗說雜著。挽予序之。而付刊。初不得主刊者。則又輟轉謀之。至庚申春。而始垂成焉。噫。何其與予有同好也。殆所謂文士好名之結習歟。雖然。予髮已斑。而叢殘未有收拾。至今且切回車之歎。感顧子之意。則又爽然自失也。因予之衰。而樂顧子之健。爲書斯意以謝之。

庚申春仲指嚴序於滬北之硯畔廬

吳序

吳下顧君明道。風雅中人也。不遺老悖。乃荷先施。千里神交。八行情重。雙魚書剖。童叟弗遑。一鶚刺投。字磨未滅。靈心通處。照窮分水之犀。捷足登時。謬許識途之馬。示以靈飛篇目。具徵著作等身。燭天光奪。珠璣擲地。聲鏘金石。既分門而別戶。復按部而就班。何謝曹劉。暗中可索。王楊盧駱。名下無虛。上下五千年。振纓希古。縱橫十萬里。奮袂談今。探虎阜之奇。奇文欣賞。毓雋陂之秀。秀語發揚。句麗如霞。霞飛騎合。辭清如水。水到渠成。五經校而挹華滋。六藝游而漱芳潤。萬流仰鏡。江漢朝宗。十載著書。京都研鍊。如入衆香之國。酒粉搓酥。如登羣玉之山。懷瑜握瑾。煙雲紙界。風雨蘧廬。坐擁百城。搜羅四部。何其盛也。蔑以加茲。烜耳不聞雷。寒乎兩豆。眼都翳霧。炫以五色。琴流水而獨彈。猝逢鍾子。賦凌雲而欲獻。自媿相如。陋等識丁。咸深知已。望江東雲樹。渺渺離懷。逐皖北水萍。忽忽行色。爲想執文。增牛耳大文。將付渠梨。况復稱藝苑虎頭。美藝足爲模楷。仰攀郭璞。夢多彩筆之徵。俯數徐陵。請擬玉臺之序。

己未二月花朝古歙吳承烜東園拜鉞

賀序

夫震旦建邦。文治先進。撰述之業。伊古尙矣。自蒙叟發篋。有寓言志怪之目。正則被放。創漁父天問諸篇。一則無爲之理。誕不離宗。一則墟社之憂。曲而始暢。弔詭無悶。憑虛有聲。終唱曉而彌永。詢說部之鼻祖歟。後之作。沿飾日替。類多發抒綺思。刻縷李花。誅狐鬼以自誣。託藝林以取喻。何異亨其敵。帝寶但庚觚。胡元以後。惟施氏水

泊西廂詞曲。裁製各闢成一家言。至於石頭描寫豪華。咏炙臠而賊聊齋。修飾名雋。襲說蒼以代儻。其他外篇。義更無取。且夫琴瑟專一聲。雖正而聽者倦焉。割烹日享。味不變而食者厭焉。若其體例。但怯處初稱述。局於鄉邑。或文外乏義。或事外無文。奚以壓末日之靈襟。稱稗官之遺軌乎。顧子明道。虎頭名裔。麋苑清才。探龍藏汲冢之書。好野乘齊諧之筆。出言挾妙。食古而腹固已風雨。蜚聲霓虹。耀采既乃。讀景教碑。盡識橫行之字。對大食客能通重譯之音。於是經繙口馬。更作瀛談。毫燭通犀。一新壁壘。久之玉積於圃。木蔚成林。言泉各就其部。居副墨途。惟盈籤架。故問年尙弱。終賈而著書。富擬班揚。已吾友張君夔揚。顧君苔岑之契也。述顧君於余。而以明道叢刊相示。并屬爲序。披而讀之。見其小說如畫工。寫物繪色。繪聲筆記。則良匠度材。識大識小。純而不腐。言乎舊則葆我國華。虛而能神。麗乎新則資爲筆助。有典有則。亦莊亦諧。宜其通士解。隨墨杯膾炙者也。讀文慚癩祭。綠淺豹窺。聞魯連之高談。方驚而默。息知荆璞之既顯。無待乎稱揚。吁。以君之年。得文之富。他日者躋絳人于三千句。日誦臣朔之二十萬言。則王令中年文章大進。子云未老著作等身。斯貽惠世人者。正長而今爲嚆矢哉。是爲序。

尙序

善乎黃氏葵洲之言曰。文者所以寫其心之明也。心有所不明。而強作解人。譬如邯鄲學步。東施效顰。閱未終卷。輒令人厭。而今之自號爲能文之士者。往往蹈其弊。而不之察。于是文士愈多。文格愈卑。而文義亦愈晦。慮其晦。

而使之明。非善爲文者不爲功。顧子景程。吳中佳士也。年少而識卓。品粹而學優。平日好讀古文辭。而於黃氏論文之旨。尤服膺勿失。顧體弱善病。獨居一齋。足不出戶者累年。積文久而好學益篤。識理益明。乃卽其平日學力之所得者。發爲文辭。積成卷帙。始有明道叢著之刊。而索余爲之序。讀其文。炳炳琅琅。詞醇理正。浮煙障墨。一掃而空。可謂能寫其心之所明矣。雖然。余思古今者時也。是非者理也。辨其是非。而不囿於時俗者。明也。而可進于誠者也。顧子生常晚。而能上儀先哲。力矯時趨。好見悠焉久焉。鑠而不捨。由明而進於誠。則如箚中所載。勞思婦忠孝節烈。可歌可泣之事。皆得博採旁搜。悉悉以至誠之筆。抒寫而闡揚之。不徒以掇拾一二爲已足。是尤余之所厚望于顧子者也。余故樂而爲之序。時民國九年當湖尙志序於吳門客舍。

吳序

種官之作。由來已久。其收效初不亞於他類典籍。識者率能道之。逮及近歲。其道大昌。舉國人士。罔不思手一編。以資澆愁行樂之需。可謂盛矣。于是士人亦乘機而奮起。操觚梁翰。瞬息萬言。以博小說家之美譽。自謂有至樂有焉。苟合國中業此者而盡記之。蓋已有不可勝數者在。然而隨波逐流。不自量力。冀自附於著作之林者。則多而待以遠紹。昔人宏著成名。山不朽之作。垂譽後來者。仍不數數觀。何則。天資學力。皆有所未逮。而孟浪爲之。致轉爲人所哂也。綺緣不才。涸跡此中。亦已數載。且嘗親炙諸名人之言論。而與相共晨夕者矣。然而下筆輒尙無是處。清夜捫心。輒自顏汗。世人亦或有不棄而知綺緣者。則誠益增慙。報耳。比歲從定夷諸子。爲襄撰小說新報。

筆政。輒見有明道其人。著述宏富。爲吾儕冠。且英才卓犖。觸緒繾綣。造意行文。俱臻上乘。綜計所見。蓋已數十萬言。既精且博。良足以駭世之自炫爲小說家者矣。于是或有請于君者。謂彼拉雜成篇。不可索解者。尙多貽災梨。渠乃工雅君子。所作轉將以自閤邪。當今邪說橫流。斯文將喪。卽此或可爲小說界延一線之曙光。要亦未可知矣。君領之。于是有明道叢刊之編輯。判爲二編。曰說叢。曰談叢。率爲精心結撰之作。而與獮祭充數。染有時下惡習者有別。他日之能壓人所欲。當可預卜。固無俟爲贅述矣。綺緣與君緣慳一面。徒心儀已久。而列爲神交之一耳。茲以范子鸚哥之紹介。爲草數言。耆龔佛頭。自知不免。然亦憑良知以發。固未稍爲諛詞。卽留爲訂交之券可矣。世之讀明道叢刊者。盍先一覽吾言。是爲序。

民國己未春二月 毘陵吳綺緣撰于飛雲抱月軒

許序

錦帆綺緝。代彥文人。寶帶縈紆。世生才子。箋飛張氏。虹橋吟白藕之花。情懷蘇卿。雲嶺映丹苞之實。而况風神朗悟。本南國之華宗。才藻紛披。推東吳之舊族哉。顧君明道。年當舞象。技擅探驪。刻燭抽詞。粲花著論。摘金環而迎舊氣。稟地靈。拈玉葉以吟新。蔚成人傑。才推剪水。業已藏山。且夫白鵲綠沈。全賴榜檠之力。含光承影。純資灌辟之功。凡其鏤筆瓊瑤。雕文錦繡。要皆耕情圖史。鳴鐘竭鑽仰之勤。弋志書林。磨杵費沈研之苦。雖或疹嬰霜露。薪採參苓。而鵲噪朝陽。燈影伴爐煙。未熄烏驚夜月。吟聲偕藥杵同喧。信乎寢懷鉛筆行帶邱墳。耽味道真。遘真眩。

而彌篤稽居藝圃盛寒暑以不衰於是麗水之金鍛鍊而益粹昆岡之璞磨琢以成章宜其信號無雙何推第一橫錦動羣則僕隸風騷搖筆散珠而衙官屈宋是用鉤玄索隱雕龍續東莞之編摘藻敷辭翔鳳扶西京之奧虞初渤海之篇咸歸採摭齊諧諸臯之志靡不搜羅於是新製連篇架上之葡萄百幅奇文滿篋空中之玳瑁千重彙爲叢刊將付剞劂舊雨張子馳書下邑述顧君之盛意會作引喤希董子之精心用標篇目自維胸無故實簡鮮綈綈徒學西子之顰悔讀南華之卷雖欲錦裁宮女鴛針繡以增妍竊恐箋到愚公錦穎瑤而失麗深慚糠粃草當瓊瑤

歲在庚申孟春下浣蘭陵冠羣許超序於劍鳴廬

范序

硯兄顧君明道博聞強識敦行不怠一時俊髦也每乘課餘之時頻揮生花之筆其著作固非井蛙尺蠖所可同日語廼者垂示一集顏曰明道叢刊凡十萬言展讀之下觀璐生行間情浹楮背洵佳構也付梓伊邇欲得予一言以爲序然予以謂君之佳作爲有識者盡知固無俟予一人之揄揚已雖然士君子生當濁世不得志于有司一若驥困鹽車鮒厄涸轍固可慨已若以投筆無時上書遭嫉不得已而託於稗官家言春雲寫怨明月興思雖云雕蟲小技亦皆有感而爲則又未嘗不可破涕爲笑也尤有感者回溯甲寅之歲予與君剪鐙聽雨蛩蛩爲依若累年后予家遭大故背鄉井別故人車轍犇騰者又累年比來端居多暇時相過從故人無恙私衷甚慰詎知

予在風塵鞅掌之日。正君而壁。攻文之時。乎書示明道。能無興感。同邑范汜君博

丁序

立德立功立言。是之謂三不朽。立德尙矣。其次立功。若立言。則士君子不得已之所爲也。呂黎謂周公而上。而爲君。故其事行。周公而下。而爲臣。故其說長。以周公孔孟之聖。不得其位。而欲行其道。則必自長其說以求聞於天下。傳於後世。則立言者。詎非士君子不得已之所爲耶。蘇州顧明道先生。鑽心於小說者也。覺其以明道自號。殆有不得已者。而以立言自任者乎。特是先生不務於炎炎之大言。而獨鑽心於小說之末。抑亦不得已之甚矣。然小說者。豈小道哉。搜探勤苦。窮極事物。淺詞皆有至理。小道資爲大用。勸善懲惡。春秋之微旨也。夫春秋之旨。難明於亂世。而小說之作。易入於人心。雖格之高下不同。而其用則一也。先生丁茲民彝墮落。國事叢勝之秋。遂逢不偶。不能行其志。久憫夫春秋之旨。不能大行於天下。後世僅值一假小說一端。以自竟其立言之志。亦莫非勸懲之意也。喜笑怒罵。皆爲文章。噫。是豈非不得已之甚者乎。今其製作。哀成卷帙。剖函之先。因范君博先生問序於余。余喜其果將明其道於天下。後世而永垂不朽也。因發其不得已之隱衷。而徑陳之。明道先生其或引爲知言哉。丁介石敬序。

劉序

顧子明道。於壬子年畢業於我校。成績優良。冠其儕類。雖時並艱難。佳處益多。歲序更迭。余以事病。莫得實其

容清而癯。詢其所苦。以足疾對。蓋不幸而膺末疾者。數載于茲矣。追念曩昔。詔數久之。竊思跬步維艱。既不能餬口於四方。惟有藉筆墨以自遣。非得己也。閉戶讀書。等身著作。蓋已久置。塵世於不問矣。歲月既歷。積成巨帙。友人憇憑其付梓。而彌欲然。不自足。久之。又久。始允問世。今歲孟春。以書抵余。屬炳序一言。炳不文。奚足以弁言簡端。第以顧子之敏而好學。十載芸窗。而始克有茲鴻編。也不可無文以贈之。全書共十餘萬言。分說叢談叢二編。名曰明道叢刊。誠洋洋乎大觀哉。竟不辭謏陋而爲之序。庚申春仲吳縣劉炳。

朱序

顧子景程。績學士也。其爲文。儼清澹。出一時任心觀書。不好章句之學。客冬以所著友人豔史示余。筆墨生動。結構靈活。固能盡小說之能事矣。而其寫義俠也。則暗鳴叱咤。金鐵皆鳴。寫美人也。則翠眉紅粉。含羞隱媚。寫社會也。則燃犀鑄鼎。百怪雜陳。寫哀情也。則又如載人寒起。殘婦夜哭。令人讀之。忽而喜。忽而笑。忽而歌。忽而泣。寫生妙手。神乎其技矣。原稿半登小說新報。久爲閱者所歡迎。今將彙集新著。刊單行本。顧子索序於余。余不敏。爰就管見所及。爲綴數言於簡端。以質諸海內之知顧子者。

民國九年元宵節朱夢梅識於姑蘇鷓鴣一枝書屋

郭序

昌黎云。物不得其平則鳴。是古今士君子之不得志於時者。輒借其筆墨。以一洩其胸中不平之氣。如三閔見放。

始著離騷。馬遷被讒。厥有史記。此其尤彰明較著者也。若夫彼無病而呻者。流則已失言爲心聲之旨。不足與于著作之林矣。吾友顧君明道。曩在吳中肄業時同學也。年少學廣。卓爾不羣。充其志可大有爲於天下。顧體弱。善病。且所遇多不如意。事於是其悱惻忠愛之忱。抑鬱悲傷之氣。無所抒發。一寓之於詩文小說之中。豈非所謂自貽其不平者耶。借人杯酒。澆己塊壘。又豈無病而呻之輩所可同日而語哉。雖然。君年方少壯。而學有根柢。前途方長。人事難料。安知今日之涸鮪不爲他日之飛鵬耶。毋以一時之坎軻而灰其壯志也。今者有明道叢刊之出版。都凡二十萬言。屬余一言以爲序。然余因之有感矣。回憶作客吳中時。常與顧君及二三知己。每當春秋佳日。聯臂出遊。徜徉於青山綠水之間。談古說今。其樂爲何如也。風流雲散。各處一方。不能脫古人傷別惜離之窠。宿爲可慨耳。而顧君獨以詩書自娛。寫其蘊蓄。以成斯刊。余猶得手此一卷。想見顧君之巾履儀度。而其他諸子。遠客海南。津北。雖間有尺素之通。終以未盡所懷爲憾。諒顧君有同慨焉。余既感朋輩之離散。而樂觀斯刊之成也。爰爲之序如此。

庚申孟春郭企青敍于海上霞碧軒

張序

吳中山水奇秀。爲江左冠。而古蹟尤多。如穹窿鄧尉天平尚方支硎等山。皆勝地也。而靈巖則吳之故宮在焉。尚有西子之遺跡。若虎邱劍池。則爲吳王闔閭之塚地。撫覽之餘。更可想見蓋時之偉烈。其他若滄浪亭寒山寺及

五人慕等。尤爲文人學士。嚮用歎歎之所。而太湖汪洋三萬六千頃。七十二峯。沉浸其間。則又海內之奇觀矣。是故山川靈秀。鍾毓之氣。含英咀華。磅礴積發之於人。則其得清明之氣也。多此所以吳中。文人代生。累世不絕也。若余所知之顧明道先生。非其一乎。終買年華。潘陸才調。文章有雕龍之譽。詩詞有叶鳳之奇。洵近今少年中之傑出者也。余弟守仁。嘗從先生習英算年餘。頗蒙垂青。蓋先生亦新學界人物。兼善蟹行文字者也。余亦以仰其才。故常質疑問難於先生。先生攻古文辭不懈。喜讀龍門史記及昌黎文集。嘗輯讀史小論及韓昌黎文鈔四卷。又謂余曰。史記一書。爲百家六藝之精英。其文多洗洋激蕩。瑰奇偉麗。如上駟名馬。昂首揚鬣。一馳千里。而其曼衍處。則又如海中蓬萊三島。縹緲於雲烟之中。非潛心好學者。則不能得其神味。而昌黎之文。則兀然爭勝於唐宋八家之上。繼孔孟中法左史。下逮莊騷。故多有功世道之文。後世治古文者。不可不讀之也。噫。近世歐風東漸。國粹淪亡。有心者多愀焉憂之。而先生獨能矯然不羣。卓然有異。斤斤不輟於文藝之中。豈不難能而可貴也乎。先生又好爲小說。謂莊論不如譎諫。經傳不如稗官。方今青年學生。多嗜讀小說。設能有良善之小說。以倡導之。則默化潛移。其進步也。較學校教育爲速。然而年來坊間黑幕之書盛行。戕賊人心。敗壞風化。非徒無益。而又害之。先生每以是爲懼。故出其餘暇。旁著爲小說家言。每一篇出。無不宗旨正大。文筆精茂。固已盛名。謁起無愧。爲吳中文章之士矣。今者又有明道叢刊之出版。爲文可十餘萬言。光怪陸離。無奇不有。誠煌煌乎巨製。洋洋乎大觀也。剗剗之始。索序於余。余不文。烏敢贊一辭。然而余嘗觀先生雖懷抱不凡。而維摩多病。平子工愁。每

若有不得志者。然所爲文。則慷慨激昂。常有拔劍斫地之慨。其所以致力於此。零縑斷素者。殆非其本來之懷。拘而別有不得已之苦衷乎。嗚呼。流水高山知音孰訂。陽春白雪同調難廣。先生其同此感耶。則非余之所敢知矣。

歲在庚申元旦後二日。錫山張咏梅女士序於羅浮仙館。

陸序

士不見用於世。多以其鼓吹之才。託爲詩歌。暨乎雜著。如客難賓戲之類。弗具論。若淮南鴻烈。世說新語。以及唐類函。尙矣。近則說鈴談薈。叢有徧天下。其文率詞筆峭秀。傳誦士林。然類皆記一時之險怪奇絕者。吾嘗以謂文不關於世道人心。則爲無用之文。文不根於三德六藝。則爲無本之文。雖有風雅之名。而無明道之實者也。余戊午之歲。任敎職於蘇垣景海女校。而有顧明道先生者。亦任敎職於英華中學。以其所著明道叢刊示余。顧爲一言。余徧閱一過。歎爲偉絕。蓋不徒炳炳琅琅。務采色誇聲香。而以爲能者。又能以香草美人。媿媿兒女之語。寓聖賢覺世濟人之意也。烏虜其亦可謂仁矣。殆三閔氏奢驕之心乎。書分說。从談叢二類。凡十萬言。其文筆足以感風雨而泣鬼神。書中凡雲垂海立之概。石破天驚之奇。以及緣情綺靡之致。無乎不備。較之淮南鴻烈。世說新語。其有加否乎。世有知者。必能辨之。固無待余之嘖嘖也。然吾又聞世之尙論者。常以謂衰世之音淫厲而哀。今先生之所爲。則憂軍國。思朋友。忠厚惓惓。顚顚宛篤。非猶夫衰世之音。蠅聲蚓竅。魍魎吟而鬼哭者。豈不偉歟。庚申春。

其書將行付梓。故爲略敘數言。以誌欽佩之忱云爾。

民國九年孟春下浣陸翹鳳女士書於古虞之蘅蕪軒

自序

詩有之。風雨如晦。雞鳴不已。說者謂既思賢人。又不肯忘世。則託於文章。以自見。諒哉。士君子生當亂世。則宜先憂後樂。蹕厲風雲。以救國爲己任。若時運不齊。命途多舛。至道不見。用時始不得已。而閉戶著作。可謂窮矣。故太史公稱孔子作春秋。下至左邱孫臏韓非之徒。皆歸本於賢聖發憤之所爲作。然則著作之事。固非古人所得已而爲之者。亦瞭然已。余年方少壯。旣不能爲傅介子班定遠斬名王頭。立功異域。爲國家光榮。又不能乘長風破萬里浪。騰游歐美文明諸邦。採其維新富強之學術。歸而餉國人。爲改造社會之先河。而乃窮年兀兀於故紙堆中。尋生活爲此無益于人己之事。且才。婉。襍。線。識。筌。醴。雞。而。欲。禍。梨。棗。以。饒。倖。于。或。傳。或。不。傳。之。數。得。毋。慮。旁。觀。之。有。疑。於。吾。乎。雖然。香草。羊。人。無。非。古。人。之。寄。意。巫。山。神。女。亦。屬。文。士。之。寓。言。推。之。東。坡。說。鬼。千。寶。搜。神。事。雖。涉。幻。要。亦。有。由。大。丈。夫。懷。憂。國。之。心。揮。傷。時。之。淚。生。不。逢。辰。奈。何。徒。喚。亦。惟。有。借。三。寸。毛。錐。作。不。平。之。鳴。言。者。無。罪。聞。者。足。戒。藉。以。激。濁。揚。清。廉。頑。立。懦。而。已。然。則。此。書。之。行。世。也。亦。豈。余。之。初。志。哉。若。以。著。作。爲。名。山。之。事。業。文。章。乃。經。世。之。謀。猷。必。欲。希。蹤。前。賢。求。一。時。之。名。則。雕。蟲。小。技。螢。火。末。光。余。小。子。何。敢。望。乎。博。雅。君。子。如。有。餉。我。以。哲。理。至。道。者。則。當。執。鞭。隨。之。擔。簦。裏。糲。而。從。雖。舉。此。書。拉。雜。摧。燒。之。亦。所。願。也。

民國九年發刊日吳門景程顧明道識於正誼齋

戚題

舉國山河不值錢。羅虬春愁黯黯獨成眠。韋應物此情惆悵將誰說。星甫湜彩筆曾專造化權。姚鵠筆下龍蛇似有神。陸希聲賈生才調更無倫。李商隱著書不向時流說。秦系風月橫秋氣象新。花蕊夫人「飯牛集唐」

賀題

寓言一卷識莊周。細數珠璣帳底收。域外九州羅萬象。箇中三昧豁雙眸。香霏花雨諸天現。海火山深百怪愁。莫道文章游戲事。參來卽是棒當頭。錫演

姚題

君有耽書癖。余生契闊思。才兼山斗富。學溯典墳遺。統古包今句。承先啓後時。枯腸重檢點。聊復賦新詩。

名以詞章著。生平愧弗如。搜羅今日事。涵泳昔人書。眼界空千古。胸襟富五車。從茲開後進。茅塞患胥除。國鈞舒題

華陽山人新少年。生平兀傲羞乞憐。所幸硯田乏惡歲。娛親菽水差能備。聰明几淨無塵氣。精養維摩多病身。靜觀天際浮雲走。朝爲白衣暮蒼狗。好學昌黎撰大文。柳州小品俱堪珍。滿腔騷屑毫端吐。五色繽紛成雜俎。凍雀

何緣。戀。紆。千。不。飛。徒。忍。飢。與。寒。人。更。因。人。爲。傀。儡。自。翻。聰。明。知。不。諱。似。聞。燕。國。多。黃。金。黃。金。能。買。俠。士。心。謀。事。不。成。死。非。枉。擲。與。頭。顱。孰。慨。慷。屢。氣。噓。樓。本。幻。形。偏。現。元。家。野。史。章。文。言。道。俗。任。取。擇。世。道。人。心。深。有。益。東。坡。干。寶。古。名。流。說。鬼。搜。神。事。有。由。詩。既。能。工。不。拘。派。披。沙。揀。金。作。詩。話。比。將。稿。本。付。棗。梨。老。人。鑽。美。遺。嗟。歎。行。看。一。掬。鮫。珠。淚。博。取。洛。陽。聲。價。貴。問。梅。

范題

滄海龍吟對酒聞。牟融。古來榮利若浮雲。駱賓王。聲名本是文章得。趙嘏。天下何人不識君。高適。幾多騷。騷困。鹽車。胡曾。宋玉平生恨有餘。李商隱。走筆往來盈卷軸。白居易。刪繁自是一家書。方干。青雲千祿已無心。徐夔。文字殷勤寄意深。劉禹錫。閉戶著書多歲月。王維。拂苔移石坐花陰。李中。意氣相傾山可移。李白。論交却憶十年時。高適。新愁舊恨多難說。雍陶。馮仗春醪爲解頤。李山甫。君博集唐。

俞題

春寒料峭獨遲眠。披讀佳章玉几前。却笑。雖。鑿。不。解。事。頻。詢。新。著。阿。誰。編。大陸。蜩。蟬。苦。戰。爭。男。兒。馬。上。請。長。纓。惟。憂。病。魔。太。情。薄。莫。是。妬。君。功。業。成。先。生。曾。患。足。疾。而。遭。際。不。偶。故。云。終。賈。年。華。擅。美。名。文。章。憤。作。不。平。鳴。先。生。風。骨。高。天。下。願。輸。心。香。一。瓣。誠。筠。青。女。士。

姚題

文增健將數江東。妙緒環生字字工。爲湖亭林承世澤。何須宗慤乘長風。下帷遐想塵囂外。運甓空居感慨中。無限牢騷無限恨。欲將彩筆補天功。

凌雲健筆慣驚人。揮灑能驅十萬軍。愧我蹉跎消壯志。羨君豪邁冠同羣。幾番咳吐生珠玉。一室圖書列典墳。國學漫憂淪落甚。好憑蘭發發清芬。〔瘦僧〕

方外虛生題

年少居然擅盛名。相期把臂話平生。四時清課饒吟咏。一片靈機富性情。風入蒼松天籟起。月流碧海道心明。多君文字如禪悅。陣陣樛香鼻觀迎。

姚題

江郎妙管寫天真。悟得莊周夢裏身。腕底潄雲紛爛漫。筆頭垂露見精神。學仙我愧乘蟾客。避俗君如化蝶人。萬卷詩書知讀破。一珠一字淨無塵。

洛陽韻事話同儕。紙貴傳鈔正賅齊。靈運高才誇海內。元龍豪氣邁天涯。青衫不漬英雄淚。彩筆能舜俠士懷。世事滄桑多感喟。奇文不共落花埋。〔福周〕

范汪夫人題